

2. Naknada za troškove rješavanja prigovora u postupku usklađivanja prijedloga voznih redova iznosi 200,00 KM, po polasku, odnosno po povratku koji se osporava.

3. Postupak registriranja usklađenih voznih redova, za svaki usklađeni vozni red provodi se uz naknadu:

- na podnesak zahtjeva za ovjeru i registriranje voznoga reda prijevoznika, po svakoj liniji plaća se taksa od 20,00 KM;
- za ovjeru i registriranje voznoga reda, plaća se taksa u iznosu od 40,00 KM, po redu vožnje.

Sredstva za naknade prema ovom rješenju uplaćuju se na žiroračun Budžeta Vlade Srednjobosanskog kantona:

- broj računa: 132-010-21253-6750
- vrsta prihoda: 722 121
- poziv na broj: 0161000000
- budžetska organizacija: 1501001,

s naznakom „za usklađivanje voznih redova na kantonalnim autobusnim linijama“, odnosno „za rješavanje prigovora u postupku usklađivanja prijedloga voznih redova na kantonalnim autobusnim linijama“.

IV.

Postupak usklađivanja i registriranja voznih redova na kantonalnim autobusnim linijama na području Srednjobosanskog kantona za period 2019. – 2022. godine obaviti će se u dvije faze, i to:

I. faza

U I. fazi uskladit će se postojeći – važeći vozni redovi s Daljinarom i minimalnim vremenima vožnje za autobusne linije u Federaciji Bosne i Hercegovine (područje Srednjobosanskog kantona) („Službene novine Federacije Bosne i Hercegovine“, broj 32/18), a početi će objavljivanjem:

- javnoga oglasa za dostavljanje registrovanih voznih redova na kantonalnim autobusnim linijama (stari vozni redovi) usaglašeni s novim Daljinarom i minimalnim vremenima vožnje;
- tumačenja usaglašavanja registrovanih voznih redova na kantonalnim autobusnim linijama s novim Daljinarom i minimalnim vremenima vožnje.

II. Faza

U II. fazi će se provesti postupak usklađivanja, ovjeravanja i registriranja voznih redova prema Pravilniku o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja Registra („Službene novine Federacije Bosne i Hercegovine“, broj: 79/13, 91/14, 98/14 i 84/15), koji će početi objavljivanjem:

- javnoga oglasa o pokretanju postupka prikupljanja zahtjeva, s propisanom dokumentacijom, s vjerodostojnim dokazima o ispunjavanju propisanih uvjeta za usklađivanje voznih redova na kantonalnim autobusnim linijama na području Srednjobosanskog kantona za period 2019. – 2022. godine.

Oglasi navedeni u ovoj tački bit će objavljeni, kao posebni akti, u „Službenim novinama Srednjobosanskog kantona“, na mrežnoj (web) stranici Vlade Srednjobosanskog kantona <http://www.sbk.ksb.gov.ba> te na oglasnoj ploči Ministarstva privrede Srednjobosanskog kantona.

V.

Nakon objave iz tačke IV. ovoga rješenja u „Službenim novinama Srednjobosanskog kantona“ i na mrežnoj stranici Vlade Srednjobosanskog kantona, u dnevnom listu „Oslobodjenje“ bit će obavljena obavijest o pokretanju postupka usklađivanja, ovjere i registriranja voznih redova na području Srednjobosanskog kantona.

VI.

Ovo rješenje stupa na snagu danom donošenja.

Broj: 06-27-804/19

6. maja 2019.

Travnik

MINISTAR

Nisvet Hrnjić, s. r.



MINISTARSTVO OBRAZOVANJA, NAUKE, KULTURE I SPORTA

370

Na osnovu stava (4) člana 35. Zakona o predškolskom odgoju i obrazovanju („Službene novine Srednjobosanskog kantona“, broj 10/17), Ministarstvo obrazovanja, nauke, kulture i sporta Srednjobosanskog kantona donosi

OBAVEZNI PROGRAM ZA DJECU U GODINI PRED POLAZAK U ŠKOLU AKO NISU OBUHVAĆENA NEKIM PROGRAMOM PREDŠKOLSKOG ODGOJA I OBRAZOVANJA

I.

Obaveznim programom za djecu u godini pred polazak u školu ako nisu obuhvaćena nekim programom predškolskog odgoja i obrazovanja (u daljnjem tekstu: Program predškole) utvrđuju se ciljevi, zadaci i sadržaj te profil i stručna sprema osoba za njegovu realizaciju.

II.

Osnovu za izradu Programa predškole čini Cjeloviti razvojni program predškolskog odgoja i obrazovanja Srednjobosanskog kantona („Službene novine Srednjobosanskog kantona“, broj 8/18; u daljnjem tekstu: Cjeloviti razvojni program), tačnije 4. programska cjelina "Program odgojno-obrazovnog rada za djecu u godini pred polazak u školu". Cjelovitim razvojnim programom, kao i navedenom programskom cjelinom utvrđeni su ciljevi, zadaci i sadržaj Programa predškole.

III.

Program predškole realizuje se u predškolskoj ustanovi i u redovnoj osnovnoj školi (u daljnjem tekstu: odgojno-obrazovna ustanova), odnosno u ustanovi koja ispunjava uvjete propisane Pedagoškim standardima za predškolski

odgoj i obrazovanje („Službene novine Srednjobosanskog kantona“, broj: 17/04 i 8/06).

IV.

Odgojno-obrazovna ustanova koja provodi Program predškole za djecu koja nisu bila obuhvaćena nekim programom predškolskog odgoja i obrazovanja, na osnovu Cjelovitog razvojnog programa, izrađuje lični izvedbeni program, koji, uz saglasnost Ministarstva obrazovanja, nauke, kulture i sporta Srednjobosanskog kantona (u daljnjem tekstu: Ministarstvo), može odstupati i do 30% u odnosu na programsku cjelinu iz tačke II. ovoga programa, a sve u skladu s interesima i potrebama djece i njihovih roditelja / staratelja.

V.

Uvažavajući objektivne prilike da će se Program predškole provoditi i u odgojno-obrazovnoj ustanovi kojoj predškolski odgoj i obrazovanje nije primarna djelatnost, tačnije u osnovnoškolskoj ustanovi u kojoj se nastavni plan i program realizuje na bosanskom jeziku i osnovnoškolskoj ustanovi u kojoj se nastavni plan i program realizuje na hrvatskom jeziku, Ministarstvo je dužno izraditi okvirne izvedbene programe predškole za osnovnoškolske ustanove u kojima se nastavni plan i program realizuje na bosanskom jeziku i osnovnoškolske ustanove u kojima se nastavni plan i program realizuje na hrvatskom jeziku, a sve u skladu s Cjelovitim razvojnim programom i članom 34. Zakona o predškolskom odgoju i obrazovanju. Predmetni okvirni izvedbeni programi predškole redovno će se inovirati na godišnjem nivou, a na inicijativu osnovnoškolskih ustanova i Ministarstva.

Okvirni izvedbeni programi predškole će se objaviti na službenoj mrežnoj (web) stranici Ministarstva.

VI.

Program predškole provodi se u maksimalnom dnevnom trajanju od tri sata, a u ukupnom trajanju od minimalno 150 sati tokom nastavne godine.

Program predškole mora se provoditi ravnomjerno i kontinuirano jednom ili više puta u sedmici, nezavisno o predviđenim satima i dnevnim terminima.

U sklopu provedbe najmanje 150-satnog trajanja Programa predškole treba predvidjeti najmanje 10% od ukupnog broja sati za provedbu drugih aktivnosti van ustanove (posjete, izleti, kulturne priredbe, zdravstveni i sportski programi i sl.) koje je poželjno organizovati i u većem broju sati zavisno od mogućnosti i potreba nosilaca i učesnika programa.

VII.

Odgojno-obrazovne ustanove osiguravaju jednake mogućnosti u pogledu ostvarivanja uvjeta i provođenja procedura, bez diskriminacije, za prijem sve djece.

Početak svake nove školske godine Ministarstvo upućuje poziv roditeljima da do kraja septembra tekuće godine prijave dijete koje ne pohađa program predškolskog odgoja i obrazovanja, a iduće godine sa 1. juna puni šest godina života.

Roditelji prijavljuju dijete u najbližu odgojno-obrazovnu ustanovu u kojoj žele da njihovo dijete pohađa Program predškole.

Odgojno-obrazovna ustanova do 5. oktobra tekuće godine Ministarstvu dostavlja popis djece prijavljene za učešće u Programu predškole.

VIII.

Program predškole se realizuje u odgojnoj grupi u kojoj može biti uključeno maksimalno onoliko djece koliko je propisano članom 9. Pedagoških standarda za predškolski odgoj i obrazovanje.

Izuzetno, kada je u pitanju ruralna sredina ili nerazvijena sredina, ministar obrazovanja, nauke, kulture i sporta može dati odobrenje za primjenu Programa predškole i u manjoj odgojnoj grupi.

IX.

Odgojno-obrazovna ustanova može početi realizovati Program predškole već od oktobra tekuće godine, a nakon dostavljanja popisa iz tačke VII. ovoga programa i nakon što od Ministarstva dobije odobrenje za realizaciju Programa predškole.

Krajnji rok odgojno-obrazovnim ustanovama za početak realizacije Programa predškole je prvi ponedjeljak u aprilu. Program predškole u tom slučaju se realizuje svaki radni dan u trajanju od tri sata, u ukupnom dnevnom trajanju od 180 minuta, uključujući rekreativne pauze i pauze za zajednički obrok.

X.

Odgojno-obrazovna ustanova osigurava kadar za realizaciju Programa predškole, koji ima odgovarajući profil i stručnu spremu propisanu Cjelovitim razvojnim programom.

U slučaju nedostatka odgovarajućega kadra, odgojno-obrazovna ustanova može angažovati nastavnika razredne nastave prethodno educiranog za realizaciju Programa predškole.

U skladu s objektivnim potrebama, Ministarstvo organizuje i provodi edukaciju nastavnika razredne nastave za realizaciju i izvođenje Programa predškole.

XI.

Ovaj program stupa na snagu danom donošenja i objavit će se u „Službenim novinama Srednjobosanskog kantona“.

Broj: 03-38-376/19

14. marta 2019.

Travnik

MINISTAR

Bojan Domić, s. r.

